

愚

齋

存

稿

愚齋存藁卷第七十六目錄

電報五十三

寄李襲侯國杰楊侍郎士琦

鄂督瑞莘帥湘撫楊俊帥來電

寄瑞莘帥楊俊帥

寄北京軍機處外務部

外務部來電

寄李襲侯

寄北京沈雨人侍郎

寄北京姚道福同譯呈洵郎

寄奉天錫清帥

寄濟南孫慕韓中丞

又

孫慕帥來電

長沙湘路公司余堯衢京卿等來電

寄湘路公司余堯翁

寄滇督李仲帥

皖撫朱經田中丞來電

寄朱經帥

寄江督張安帥

朱經帥來電

寄江督張安帥蘇撫程雪帥

李仲帥來電

順直諮議局來電

李仲帥來電

寄錫清帥

寄李仲仙制軍

錫清帥來電

寄武昌瑞莘儒制軍

寄江甯張安帥安慶朱經帥兼致楊杏城侍郎

愚齋存彙

卷七十六目錄

二  
思補樓藏版

李仲帥來電

張安帥朱經帥來電

寄李仲帥

寄寶應馮夢華中丞

馮夢帥來電

寄安慶朱經田中丞連仲甫方伯

下關馮夢帥來電

安慶朱經帥連方伯來電

寄馮夢帥

寄安慶朱經帥馮夢帥連方伯

寄上海李伯行星使

又

寄孫慕帥

寄瑞莘帥

孫慕帥來電

李仲帥來電

天津陳筱帥來電

寄錫清帥

寄李仲帥

寄陳筱帥

寄瑞莘帥

寄李仲帥

陳筱帥來電

錫清帥來電

寄張安帥

寄汴撫寶湘帥

張安帥來電

江甯李偉侯星使來電

寄李偉侯星使

蘇撫程雪帥來電

錫清帥來電

寄太原丁衡帥

張安帥來電

寄程雪帥

寄錫清帥

又

寄陳筱帥

上海唐蔚芝侍郎來電

寄張安帥

唐蔚芝侍郎來電



惠齋有集

卷七十六目錄

四

寄福州松鶴帥

李仲仙制軍來電

錫清弼制軍來電

寄錫清帥

寄李仲仙制軍

愚齋存彙卷第七十六

電報五十三

寄李襲侯國杰楊侍郎士琦 宣統二年五月初九日

商局沈雨翁在滬商酌照文忠公定章部派兩三員監  
查兼管運漕承上注下如前之朱盛後之顧沈藉與官  
場接洽商舉三董攬轡銀錢買賣修造專做生意如前  
之唐徐鄭後之嚴唐陳庶可與洋行競爭雨翁以爲然  
弟本擬到京再與東海熟商昨股東開會羣訾局帳虧  
蝕出於意外董事無權難於整頓非舉總協理不可語  
甚憤激弟當場開導謂中外商股公司原准公舉會長

但宜先定格式不必急於指定何人衆仍堅執不允弟  
又以病辭仲昭亦代兄辭皆不允並有書痛詆局內粵  
人弟力止宣布然細查近年生意漸讓洋人虧空年甚  
一年將來倘致變產如商務何且更貽外人笑如名譽  
何目下局勢散漫人人知其危三員固隔膜三董亦暮  
氣若無人挈領提綱一國三公何能制勝吾儕若自謀  
可卽售股勿再過問聽其決裂若顧全大局仍當暫准  
官督商辦試辦一年比較優絀再定官辦商辦之局弟  
病愈擬入 覲決不願久於此局二公尤不能來滬但  
我三人忝廁卿貳倘慨然承認名雖商辦實仍官權再

四籌思或暫允權理彼此電商兼請部示畫定格式認真整頓一年後再讓另舉由部奏派庶使局務轉危爲安請密商東海相國李沈二君如不謂然公必辭弟亦必告退局必糜爛股必大跌此天命也於人何尤承詢縷及

鄂督帥萃帥湘撫楊俊帥來電

五月十二日兼致各省督撫

頃據常德府報稱該郡因黔省山水暴發連日大雨河流陡漲數丈隄岸潰決沿河田廬漂沒一片汪洋已成澤國電桿被水衝倒電報不通恐上游洪江沅州亦必被淹刻由文鼎先派戚守朝卿運

米運錢馳往速放急振一面調查災情分別布置  
查湘省因上年被災米糧偶缺民生怨望匪卽乘  
隙煽惑乃有三月初長沙之變滿望秋穀登場轉  
危爲安不料黔水暴發湘之常德以上又被波及  
湘民素囂湘匪尤夥故自三月迄今拿撫兼施大  
局雖定謠猶未息今又重以此災何堪設想湘省  
此次災情雖未調查明白必較上年爲重非速籌  
大宗款項趕辦工振無以定人心而彌禍患惟湘  
鄂頻遭災祲俱在凋敝之後所籌款項萬不能敷  
除俟查明災情電奏外特先電懇諸公一視同仁

設法協濟一面勸諭官紳協力挽助藉救眉急曷  
勝禱盼並祈錫清帥將此電鈔送熊秉三京卿一  
閱災重事急鵠候賜復

寄瑞率帥楊俊帥 五月十四日

常德又成澤國必須工振兼施湘鄂災祲之餘籌款自  
非易事各省大府諒能不分畛域竭力籌助上海一隅  
爲萃帥舊治已將來電登報苦口勸募然近來商務凋  
敝銀市極緊從來未有弟前奏義振無能爲繼必須別  
籌良法捐納未便復開報效似宜推廣俊帥如有嘉猷  
商請萃帥會奏宣無不允目下工振不止救民二字煦

煦爲仁實亦救時要著凡有血氣斷無忍置湘中糧食  
經兩帥多方購運不致缺乏否念甚

寄北京軍機處外務部

五月二十六日

爪哇華僑梁祖祿等面稱和政府強迫僑民入籍限一  
月爲期並瀝訴被迫情形全島有三十餘萬人每年寄  
回華款不少近因全島多設學堂且資本家熱心祖國  
如蒙政府誠意維護頗有同華經營實業思想此次聯  
袂蒞會該國窺見一斑故令入籍期限尤緊倘政府置  
之不理僑民雖有商會恐難久持不決宣聞其言似甚  
急切可否由鈞部照會和使阻止一面電飭陸使查明

卽與和政府認真理論查華僑在和屬謀生歷有年所該國向有治外法權相安無事豈應一旦強迫入籍想和政府顧念邦交亦必不出此旣據該會代表梁祖祿等全體懇求似可據情辦理以慰僑民之望大部倘有應詢之處候電示當可轉詢也

外務部來電

五月二十九日

商約大臣宥電悉並據張殿撰審暨爪哇華僑梁祖祿等電同前因張電並詢爪哇設領情形查爪設領迭經提議和政府於正約外加入附則一條聲明不得以本約所稱和蘭臣民之人視同中國



臣民當經內外迭次駁拒商撤附則或添亦不得將中國人民指爲和蘭人民一語以相抵制彼仍未允設領本爲護僑遷就立約領同虛設是以本部日前又電陸使並照和使力爭尙未得復茲准前因除再電陸使查明實情據理辯論外希查照卽轉張殿撰並告華僑以此事政府極爲注重必當竭力維持惟所商領約情形尙未定局萬勿洩露致生窒礙

寄李龔侯

六月初六日

奉寒電東海所云顧全部面無不可商量可酌定格式

調停其中又據股東施則敬等傳觀尊電均深感佩卽  
經蓉曙面商恐公呈直達跡類要求力勸諸人暫擱並  
電請咨弟酌定格式先議整頓章程復請部示公呈亦  
發弟議復如督撫發司道之例此實鄙人屈已從人委  
曲調停力爭部面乃蓉曙未言回電頗不謂然股東董  
事怪弟一味捺攔貽誤大局施子英接施省之電云公  
呈未到無從解決人多口雜不肯再擱董事亦辦公呈  
傳觀簽字弟只得盡刪其激烈語酌加可靠成案交股  
東代表帶呈並切屬鄭王和平稟謁鄭與梁龍至熟王  
極明暢弟屬其謁公但恐部中惑於一二人之言未必

肯從衆所請股東所以堅持第七十七條商律實見董  
事會無效外國政令以多數取決故其政舉吾國反是  
前途可危弟俟批到卽辭董事尅日去滬聽其開會另  
舉以釋嫌疑公有高見仍乞密示

寄北京沈雨人侍郎

六月初九日

泗州面告商局三員部派三董商舉以復舊章承公已  
商菊相允可甚佩此次股東遵照商律第七十七條呈  
請核定弟亦以爲此席往往與洋人交涉貴在當機立  
斷倘十五人遇事爭執無所折衷實難收效譬如航海  
一舟之中因無舵長而致覆沒以是歸咎陸地主人然

主人不得目覩舟中航海標準曷能任咎或疑鄙人願  
充此舵工試問舟成自我掌舵三十年飽嘗風險幸登  
彼岸豈有不願立在坡上看一帆風順乎但恐舟沈資  
沒外船擠入我港更難收拾幸祈善擇舵工以保此舟  
公面許徑電用敢妄陳幸教

寄北京姚道福同譯呈潤邸 六月二十四日

日俄協約三條之外聞尙有另款多條目下分佔利權  
將來侵我地土後患何可勝言且列強向以均權爲宗  
旨日俄如此竊恐他國生心邊疆從此多事豈特海陸  
軍預備不及財政困難商務敗壞恐憲政亦多掣肘鄙

見宜速籌外交良策看來祇有美德兩國尙在局外隱抱不平錦愛鐵路尤爲美國助我實據而我自因循現已難成全璧殿下此次赴美自宜設法與美廷妥議牽制日俄之策匡時救國在此一著宣懷入夏以來痰嗽稍愈本擬請旨入覲藉伸依戀並將愚慮所及面稟一切頃聞邸駕十四起節數日內無北行輪船專差具摺恐其遲延擬卽電奏請旨恭俟命下之日卽可成行茲特由姚道稟知乞諭姚道電復

寄奉天錫清帥

六月二十六日

日俄三條之外尙有多款日擬遷都朝鮮爲東控計軍

政憲政俱恐不及錦愛鐵路實爲保全要策然俄日均  
已赴部力阻法使且云如未與俄日商議之先莫與他  
國定奪英亦庇日不願認包工爲英利要知法助俄英  
助日皆爲債主吾利用美債而落後著實堪痛惜此時  
若仍由外務部核奏非與俄日商定不可豈但錦洮而  
已錦齊且恐扞格遑論錦愛弟昔借比法款造京漢路  
英德阻撓甚力徑自電奏得旨依議卽畫押英德向  
部哂舌索造津浦瀕甯而後已蓋外交成否全在密速  
我與美畫押後美方能全力庇我今俄日加約美德甚  
忌若善用之尙可挽救公素抱純忠如能面懇濤邸密

奏危殆實情並與美員商定公專摺上聞得 旨卽畫押他日由部調處雖許張怡等路東省則已得救星洵邸赴美再以全力聯之以速補遲事在人爲乞密酌

寄濟南孫慕韓中丞

七月初一日

宥電承允送親至滬凡屬知交皆稱正辦而愚夫婦感泐雲情尤無旣極宣因外交財政有所建白仍電請入覲已奉 旨來京陛見准初五隻身航海住法華寺過津必見貴陽萊事謠詠頗多可見官不能做故歸裝必速

又 七月十三日

翰香遞函弟已過津未晤筱帥到京面詢蔚翁據云監  
國意尙無他北洋但能查復實事不能加褒貶惟尊處  
從未將該處起衅之由奏明難免滋疑看來公可遴派  
道府幹員前往撫輯善後一併詳敘一摺毋庸遽請開  
缺宣初十請 安 召見三次奉 旨同任並幫辦度  
支部幣制事宜一時自難回滬殊乖初志瀛眷到滬已  
借李伯行住宅寬厰合用一切託繩伯等照料

孫慕帥來電

七月十四日

宸眷優隆壯猷克展不勝欣忭起衅緣由因迭派  
確查是以稽奏昨已拜疏並派官紳前往辦理善



後承注深感尊處派弁來接殊爲不安舟車俱已  
自備妥當滬宅承代備已極感荷敝眷十八行併  
聞

長沙湘路公司余堯衢京卿等來電

七月二十六日

還朝大喜具徵 倚眷方殷祇用仰望湘路委折  
艱苦困難危險皆宮保所深知肇康自張文襄兩  
次奏派屢辭不獲鈞部復兩次奏充支持其間迭  
更患難亦宮保所深知洙昭爲宮保最注重之纔  
去年七月十一日通報開工甫及一年開車卽在  
八月五月奉手書深蒙獎飾益用兢兢湘中商民

爲贖路修路先後共已實輸現銀五百萬元修成  
現路百餘十里與粵路同現仍歲籌實款四五百  
萬元除贖路保息外實可歲修路二百餘里公司  
成局如彼前途如此實在可以完全自辦與三年  
前迥不相同斷不必再借外債湘路因萍煤故首  
修洙長憶宮保在京在鄂迭次面催茲幸勉稱尊  
旨此後全功深資保障敢恃平日之雅迫爲將伯  
之呼倘遂憑藉鈞衡保全湘境毋滋他族實逼處  
此以完我大國百世之利宮保之賜其有涯耶謹  
私於下執事伏候諭遵餘詳二十日公呈

寄湘路公司余堯翁

八月初六日

洙昭路將竣甚佩長沙何時可通知不甚久昭山可少  
布置四國借款本屬另生枝節惟公電所言活筆一層  
洋文竟致全漏今聞四國須候唐尙書到任再議謹密  
復

寄滇督李仲帥

八月初十日

貴省同鄉京官及諮議局以宿州靈璧等縣災情甚重  
屬挪義振款項以濟民食除商江督將弟經勸海州當  
地局款八萬兩移往皖南設當地局俟歲稔免利歸本  
查弟經手滇捐溢款二萬五千七百餘兩前曾咨明借

撥鄂振承惠函俯允暫免追呼現擬向鄂設法催收而  
皖南災重地廣環求暫借此款以湊當地之需如蒙允  
准弟擬與朱經帥約定歲稔照章收回徑行解還滇省  
如有短少由皖捐補足弟願作保人一轉移間可多救  
災黎數萬預料一經我公推愛司局亦無不允從也

皖撫朱經田中丞來電

八月十七日

接姜軍門袁中丞電商允尊處撥借十萬兩於宿  
靈設當地局飭官紳擔任豐年贖還等因我公垂  
憫皖災仁風布濩與姜袁兩公之軫懷桑梓均深  
感佩惟當地詳細章程與辦過此事熟手尙須求

助務乞指示辦法並允借才爲理庶規畫完全成  
斯美舉想與我公救人救溺之宗旨隱相符也專

電懇商敬祈賜復

寄朱經帥

八月十九日

宿靈災重愧莫能助江北當地章程遵卽鈔寄前辦桃  
源海州當地係江蘇候補知縣黃國梓一手經理井井  
有條該令現在江甯尊處可電安帥調用惟擬撥滬款  
八萬安帥復電滬道未允再借滇捐二萬餘仲帥尙無  
電復已告袁杏翁再行籲商都中謠傳渦陽滋事諒易  
解散

寄江督張安帥 八月二十一日

海州當地一款昨接元電俟收解到日除撥還漚道外  
餘款應否借皖屆時再商頃據黃令國梓稟稱州牧易  
人紳董觀望定章雖限兩載開贖萬不宜遲所見甚是  
聞該處秋成甚稔應請速飭該州牧督令原董早日開  
贖以期陸續收回免致逾限仍須嚴禁苛擾倘能派黃  
令前往更可放心

朱經帥來電 八月二十一日

承允鈔示當地章程並指示熟手極感高誼惟昨  
接張制軍電漚道已允借撥此款似處電飭鳳陽

振局會商宿靈官紳能否擔任贖還亦未據復祇  
得俟兩面商定再電商黃令相助蒙城匪亂已屢  
經官兵鄉團堵擊匪首李大志業經擊斃餘匪潰  
散一面籌辦振撫以安人心現據各屬報告已無  
成股之匪知關蓋注謹聞

寄江督張安帥蘇撫程雪帥

八月二十四日

據徐州紳士段書雲張開第等函稱邳宿睢銅蕭五州  
縣豆穀黍稷等類盡被淹沒下游宿靈一帶無可宣洩  
水湧不下廬舍十傾八九已多絕糧之歎民生迫蹙更  
甚於前皖南北同時大水徐屬毘連四界伏莽素多尤

爲大局之患等語公必早有所聞現擬如何振撫乞電示聞同鄉京官將開會議也

李仲帥來電

八月二十五日

宿靈等處災重仰賴仁懷至佩滇荒未復水火偏災疊告險變無常期款甚急滇捐移借皖用司局均有難色競力表尊電擔任歸還厚意始無異說義以皖人爲滇吏又值皖滇並急實覺左右作難而感公之心則滇皖同之此事不難遵命暫移而難於愆期無着若能於明年春末由公設法撥還一諾九鼎敢不如命祈與經帥約定歸還辦法候



電飭遵頒疊據皖紳電請皖北饑民垂斃亂象已萌經帥電請蒙城有亂皖北須辦急振尊電注意皖南愚慮皖北關係尤大似宜以災情輕重爲斷統祈主持順盼示慰

順直諮議局來電

九月二十四日並致度支部尙書澤公

開平礦產秦王島各處口岸自經張翼擅訂私約移交外人接管主權利益喪失十年疾首痛心莫此爲甚先朝嚴飭收回土民合詞請命仰荷朝廷極力主持特飭外務部北洋大臣妥爲籌辦交涉經年近議定願由國家發給債票將礦產

及秦王島各處口岸以及他項利益實行收回全省士民同聲相慶亟盼由此進行早日議結乃聞報章張翼密上封奏妄稱其在英控告得直仍以合辦爲宜而請給款收回爲害甚大不知所控係認副約合辦卽非收回熒惑上聽欺君誤國奸謀畢露其將誰欺伏查此案關係國家疆土數省利權外部直督所訂辦法係凜遵先朝諭旨實行收回若不發給債票卽難取銷英商股本非賴國家擔保何能杜絕干預礦務且礦產豐富足以擔任本可無須另籌他款此中得失人所共

知豈張翼一人一己之私言所能淆亂公爺宮保  
公忠體國中外咸欽伏乞力闢奸欺堅持原議早  
日撥實復奏以維國家大局以保外交信用不  
勝哀迫待命之至

李仲帥來電

九月二十九日

頃得朱經帥有電云皖振需款孔亟滇捐餘款承  
允借助俟明秋定時籌還請卽電咨翁轉電鄂省  
撥皖等語此事義於前月有日電復吾丈未奉續  
示不知與經帥如何議定丈之義聲中外同佩若  
使皖黎得生滇款有著惟公是賴乞示復

寄錫清帥 九月三十日

本溪湖鐵礦日人覬覦甚切關係中國鐵政甚大乞飭  
集守鳳岡留意勿爲所攘現有英國在外務部力爭豫  
省鐵礦中國不允恐滋藉口務祈密示

寄李仲仙制軍 十月初一日

前奉電示因院無回信故不能復昨接經帥電允明秋  
籌還頃又奉尊示俯允卽於本日將鄂借滇捐規銀二  
萬五千餘兩儘數批解院撫聲明屆時由院徑直解還  
滇省並咨尊處矣

錫清帥來電 十月初二日

本溪湖煤礦係中日合辦附近廟兒溝鐵礦曾訂  
合同俟本溪湖煤礦發達准該公司開採仍歸合  
辦於本年五月奏奉 俞允在案英人似難藉口  
除飭巢守留意外謹此奉復

寄武昌瑞莘儒制軍

十月初五日

興國州銀山錳鑛本係封禁官山張文襄創辦鐵廠開  
採光緒二十二年奏歸商辦此山一併移交歷開十餘  
年矣頃據漢廠稟報州人砌詞聳訴遍發傳單欲與錳  
局爲難查錳鑛石爲煉鐵要需不可一日斷缺漢廠製  
造各省鐵路料件均有限期關係路政甚大務祈速飭

勸業道嚴飭州牧曉諭解散勿使滋生事端感盼並候示復

寄江甯張安帥安慶朱經帥兼致楊杏城侍郎

十一月初一日

接上海福開森沈敦和等電江皖巨災捐事弩末現擬仿照丙午辦法組織華洋義振會仍推鈞座爲會長以便向歐美募捐皖推定楊杏城侍郎江督皖撫已商妥電允附奏乞電復云查丙午淮徐海華洋義振歐美捐助麵粉甚鉅曾派華董會放亦甚相安此次皖北徐海一帶確非鉅款難期救濟惟弟遠隔恐難達領尊意究竟如何祈速示以便酌行

李仲帥來電

十一月初二日

得楚寶電知丈冬來患喘計已痊健北地早寒政躬珍攝皖災奇重極荷鈞垂來日方長殊難爲計丈倡率義振歷數十年仁心仁聞中外同佩荅帥奏准兩項收數恐不能多次爲皖災大局計勢必多籌接濟無限饑黎倚丈爲命楚寶力微心迫切盼宏助知必不以爲煩瀆也

張安帥朱經帥來電

十一月初四日

華洋義振係駐滬皖振公所呈請援辦只及皖災未及徐海經駿寶往復電商後隨於前月由寶處

會銜片奏籌辦大概情形片內并聲明丙午前案  
係由我公會同呂尙書端制軍派委沈道敦和聯  
合洋員辦理本年皖災與前此淮徐相埒務懇垂  
憫災黎主持一切不勝企禱之至

寄李仲帥

十一月初五日

承念至感賤恙稍減尙能耐勞公創議官制三條簡要  
足佩時局民窮財盡不由農工入手何以爲國振務無  
可籌款卽此可見荇帥等屢欲推弟苦無以應上海援  
丙午年設華洋義振會仍推弟爲會長已商督撫具奏  
弟不敢辭公爲一省長幸大發慈悲力籌鉅款發交公



舉之義紳劉芬親查散放真可救命

寄寶應馮夢華中丞 十一月十一日

江皖京官陸中堂領銜會奏請派前安徽巡撫馮煦爲  
查振大臣前往災區復勘會同兩省督撫辦理振務並  
詳細考察應疏河渠妥爲籌畫郵傳部侍郎盛宣懷爲  
籌振大臣得自奏陳籌款之法並令籌墊巨款迅派義  
紳馳往災區趕放急振等語初九日奉交 旨陸潤庠  
等奏江皖大災情形急迫請特派大臣籌辦振務一摺  
著照所請該部知道欽此近來各省民窮財盡何從籌  
款捐章尤窄勸無可勸惟聞皖北十餘州縣被災甚重

民命所關勢難推諉只得盡心力爲之公痼瘕在抱舊  
部與桑梓一視同仁務請迅速命駕親赴災重之區審  
查大概分別輕重應如何查戶放錢或設當地局平糶  
局約需籌款若干方能救人救溺鄙見仍照丙午官義  
合辦派人較易劉守芬係熟手已到皖經帥奏已籌款  
四十餘萬恐不敷尙鉅然總無確耗翹盼電示再定方  
針

馮夢帥來電

十一月十三日

電示敬悉查振義不敢辭唯年衰才拙一切乞公  
指示劉守到皖有電達否弟奉文後卽行

寄安慶朱經田中丞連仲甫方伯

十一月十六日

昨淮度支部咨奉 旨江皖大災特派大員籌辦振務等因宣衰病何能當此重任馮夢帥來電到皖尙早聞尊處已籌款四十餘萬現分幾路查放鄙見籌款不易得人尤難可否仍照丙午江北官義合辦較爲省力請將皖北受災各州縣及官義振所派員董何人急振冬振每口各放錢若干糧價若何需平糶否張道士珩等來電災民約有二百五十萬人是否查實乞速電示

下關馮夢帥來電

十一月十八日

元電達否聞皖北振務尙無端倪弟未奉文不便

往查從緩一日災民卽待命一日實深焦灼請代  
催速發以便會商趕辦免誤民命前電示照丙午  
年官義台振辦法極佩盡籌當卽遵守並乞電復  
安慶朱經帥連方伯來電十一月十八日

皖振方殷 朝廷特派我公暨夢公主持災民蒙  
福至爲欣幸敝處振款計 恩帑六萬截餉八萬  
各省協助約七萬本省自籌五萬內有撫捐二萬  
五千官借官還公債內提撥十萬礦局借五萬以  
勸捐歸還共得四十餘萬皖北災情宿靈最重蒙  
渦毫次之泗五懷鳳臺潁上又次之壽霍阜旴鳳

陽較輕省局委司道同辦北路官振以俞道錫疇  
暨北道會辦各屬或臨時派員或由印官會同自  
治公所查放急振已放五萬冬振原撥十萬現擬  
加撥十萬備工振之用每日放錢多少各處情形  
不同災區糧價視平時昂貴倍徙各州縣有挪款  
兼辦平糶者有購借子種者災民二百五十萬人  
係屬約數尊意官義合辦極善俟晤夢公後當妥  
切商辦謹奉聞

寄馮夢帥

十一月十九日

咨文本寄寶應今改寄下關招商局探投經帥來電亦

以官義合辦爲善俟晤我公後當妥切商辦云今日全省京官來見極盼我公查振消息再議籌款務望速赴安慶與經帥面商辦法電示經帥處咨文似可先到寄安慶朱經帥馮夢帥連方伯

十一月二十日

官義合辦尊意皆同務請會商多派數路如能一州縣派一人更好官紳皆可請兩帥會委電咨敝處華洋義振必有教士監放其性質必欲救人救溺故宜選派明幹委員偕往災重處所聽其做主如洋振放得好亦可省我振款此全仗督查妥酌糧價視平時倍昂如欲購糧只有兩法一由奉天購高糧輪船直達蕪湖一由周

家口購小米麥民船運皖請將災區糧價查實電示方可比較皖爲產糧地恐遠運費重比放現錢反致喫虧寄上海李伯行星使

十二月初六日

本日 諭旨郵傳部左侍郎著李經方署理欽此本衙門事甚繁重 上知駕已抵滬故有此命務望迅速來京覆命卽行到任免再派署敬賀大喜

又十二月初六日

上諭雖有未到任以前著吳郁生兼署字樣惟本部新官制及各項喫緊公事俱在年內決議日前 上亦慮兄來遲宣奏明兄病已全愈卽日可到京始有此命若

如來電必致爲難倘有私事稍緩不妨藉差出都

寄孫慕帥 十二月初九日

此局棘手極矣昨謝 恩勗以破除情面剛柔操縱均  
難何以教我

寄瑞莘帥 十二月初九日

時艱事棘衰朽何能勝任惟盼川粵漢兩路成功以速  
補遲全仗鼎力餘俟函詳

孫慕帥來電 十二月初九日

東省官電局係周前院於光緒二十八年奏明專  
爲河工漲水消息靈通而設關係甚重與鐵路附



設電綫相同非與他省電綫可比改隸大部諸多  
窒礙應請俯念河工緊要仍照舊辦理毋庸歸併  
東省幸甚

李仲帥來電 十二月十三日

榮簡正卿 朝野慶忭力挽邊危惟公是賴義兩  
次自効求譴不得孤危可想讀此 綸音公誼交  
情不問得一秦山之恃惟藎畫愈勞柱石之躬爲  
國珍愛至深禱祝方兄向承愛教今邀薦挈必  
當竭力贊隨何日到京乞示滇目前交涉以騰永  
界務隆興礦務最爲棘手隆興風潮不減他衅結

局止於賠償緬界則已兆兵端內無解決邊禍立  
生義守土官犧牲身名劫運使然無足痛也官電  
局收同部辦義不敢爭惟部無處置直截言之以  
此退一總邊亦無辦法蓋滇省特別難情非他可  
比公有善法兩全不使滇迫於難遵致礙通章幸  
甚

天津陳筱帥來電

十二月十四日

頃奉電 旨東三省鼠疫流行著預於山海關一  
帶設局嚴防認真經理等因亟應欽遵籌辦現經  
議定查驗火車章程並派洋醫三員華醫十四員

前往溝帮子山海關一帶設局查驗卽於十五日  
開辦其辦法大要由奉天至山海關僅開頭等上  
行客車其二三兩等客車及入關之小工車一律  
停止山海關車站附近設臨時病院如在關內外  
火車查有病人均送病院其在關外火車查出者  
由京奉局派專車送回奉天病院所有中西過客  
一體查驗已與各國使館醫官接洽其詳細章程  
另達一切統乞鼎力協助至清帥請派專員赴奉  
一節北洋醫官除分派哈奉長春各員外現在僅  
敷分布惟有軍醫學堂畢業生百餘名前經陸軍

部派在部司各鎮當差似可商調祈酌行

寄錫清帥

十二月十四日

筱帥復電已遵 旨籌辦議定查驗火車章程並派洋醫三員華醫十四員前往溝帮子山海關設局查驗其辦法由奉至榆二三等客車及入關小工車停止榆關車站設臨時病院如在關內外火車查有病人均送該院其在關外火車查出者由京奉局派專車送回奉天病院至清帥請派專員赴奉一節北洋醫官除分派哈奉長春各員外現在僅敷分布惟有軍醫學堂畢業生百餘名前經陸軍部派在部司各鎮似可商調云如尊

處必需請電陸軍部弟可幫助商調奉省二三等停車  
甚礙交通未知能否不停

寄李仲帥

十二月十五日

公眷望甚隆有代清帥之議但滇邊亦重安得雄才以  
資分布宣衰病何能勝繁劇況積弊難除乎伯兄年內  
到必相得官電部收非弟意豈亦中央集權耶

寄陳筱帥

十二月十五日

本部前飭京奉照常開車本爲顧全政治與人民交通  
起見卽如近日退伍兵入關及貢品祭品解京等事若  
不運載窒礙甚多并非吝惜進款旣奉示暫行停止當

卽飭局暫停數日一俟關外留驗所工竣卽照常載運  
此節英工部局局長亦已允認且南滿鐵路亦不停各  
國路章輕易不能停止也

寄瑞莘帥

十二月十五日

頃接馮夢帥鳳陽來電皖北災區惟湖北龍元可用已  
電大清交通兩行先墊銀十四萬請卽轉飭武昌造幣  
廠趕造大龍元二十萬元陸續交招商局施道運至浦  
口由火車運解至盼

寄李仲帥

十二月十五日

皖北馮夢帥已奉命查振宣任籌款已借墊銀八十萬

但不知如何歸款凡捐銀五竿以上可獎實官已奏准  
半年卽止公重桑梓能否招勸夢華來電舉辦已遲死  
者不能復生誰之咎歟公電奏已行度支部亦足助力  
救命尙不及遑論水利

陳役帥來電

十二月十五日

昨布兩電計登盡察防疫章程期在中外共守昨  
定辦法外部與各國醫官均經接洽尙屬扼要可  
行駐津各領現方有並停頭等客車之議當以業  
有定章切實駁議其二三等客車暫停開行一節  
實爲防疫要鍵故處將遵 旨籌辦情形摘要電

奏仰祈鼎力協助實紉公誼

錫清帥來電 十二月十六日

疫染日厲哈埠死亡日百餘人奉天新民屯發見  
漸有死亡臨時病院建設未竣筱帥商同大部既  
派醫在溝帮子山海關設局火車查有病人應就  
地截留萬勿送回東清三等車已停二等尚在磋  
商南滿二三等悉停至京奉二三等客車現奉外  
部十五日電已與大部商酌停止矣軍醫另電商  
調統乞毅力維持

寄張安帥 十二月十七日



沈雨人侍郎函云尊處奏報災區獨遺海州想係前報徵收分數海列九成之故請派員先往查勘以安衆心等語除電馮大臣外可否請派黃令國梓及一候補道府速往海州確查究竟受災輕重如何以免藉口黃令曾在海辦當田局民情較熟乞裁示

寄汴撫寶湘帥

十二月十七日

永城縣紳王作鼐曹懋德齋到大咨據稱該縣與宿州接壤被災甚重求撥款振濟又據稱尊處撥官款八千兩交該縣挨查尙未開放人死甚多豫省京官亦將會議劉紳芬現在宿州放大振來稟亦稱永城災與宿州

而宿州官義並放款逾十萬永城千餘村莊官振不及  
十之一無怪難以全活公胞與爲懷務請速派妥實員  
紳攜款一二萬兩先行馳往查辦弟奉命籌辦江皖振  
務豫不在內惟善舉理應不分畛域除咨馮大臣妥勘  
酌辦外如必須撥振應請迅速電奏方能酌量協濟但  
緩不濟急若非本省先行接濟則死者必多矣

張安帥來電

十二月十八日

海州本年並未報災是以前奏未經列入昨甫據  
該州自治會紳董以秋水爲災麥價陡漲請令截  
留麵粉等情電稟當經電飭陳署牧確查尙未據

復准電前因現又電催陳牧查復並遵囑派黃令  
國梓往查俟復到再行酌辦

江甯李偉侯星使來電

十二月二十六日

公今握郵部全權商局事想易措手尙須姪作引  
綫否如仍照前議乞速寄奏稿現定正月初八放  
洋期已迫矣江皖振捐滬甯兩處倘須派員承辦  
鄙見滬派張道士珩甯派家叔李道經江均可得  
力如何請酌示

寄李偉侯星使

十二月二十七日

輪船分別售租輝庭云恐無人領辦已囑仲兄面達振

捐不減價甚難辦滬已派通商銀行當再添派張樓甯  
派令叔亦照辦能否各勸酌墊數萬

蘇撫程雪帥來電

十二月二十九日並致馮大臣

據鎮江林道稟稱據鎮紳吳兆恩等稟本年江皖  
告災流亡甚衆鎮江粥廠留養二萬五千人續到  
尙無底止每日費五六百金官商捐款羅掘殆盡  
逼近租界時虞交涉擬明正卽資遣計款二萬餘  
金一無准備此係徐宿災民現資遣卽與北振無  
異請詳咨辦振大臣撥銀二萬兩濟用等情據情  
轉稟前來查鎮江粥廠留養徐宿災民至二萬餘

人萬難支持租界在邇難免不啟交涉資遣萬不可緩徐民請撥徐振亦尙名正言順貴大臣痼瘵在抱務懇酌撥災民幸甚全亦幸甚

錫清帥來電

十二月二十九日

奉省疫病現又蔓延法庫開原兩廳縣吉林全省傳染業已及半中外醫官疫斃者十餘人用款直如泥沙不知如何結束統三省計之即使目前疫氣撲滅已在二三百萬兩上下僅恃部款恐亦窮於應付奏辦振捐一節誠如尊示緩不濟急然舍此無長策我公痼瘵饑溺爲海內慈善家巨擘敬

乞垂念東省災重地廣可否先在振款內設法挪  
借以濟急需一面附入皖豫振捐之內俾得接濟  
百叩懇禱鵠盼籌示

寄太原丁衡帥

宣統三年正月初一日

馮夢翁來電海之海沈淮之山清安雖屬偏災情形危  
迫請撥款前來江督僅報徐屬故敝處籌款未及頃已  
電馮派員速查惟捐獎竟無來源已咨送實收請各省  
司道協助勸辦晉省道員中何人可靠乞示

張安帥來電

正月初二日

據鎮江林道電稟奉尊處沁電鎮江資遣難民需

款屬向督撫爲民請命否則招徠捐輸由庫先墊  
二萬兩俟收捐歸墊合電奉聞等語查江北資遣  
已承撥助二十萬實爲感佩鎮江所到難民多有  
贛皖等省之人非獨江北者甯省庫儲支絀自當  
飭林道勸募捐款以爲資遣之用謹達恭賀年禧

寄程雪帥

正月初三日

鎮江資遣難民需款二萬兩極應籌撥惟敝處借用部  
款均已撥完現又奉 旨兼辦豫振點金無術分布殊  
難查江北弟已撥助念萬本省似已鬆動昨接林道來  
電已電復先由道庫墊銀二萬兩應用容將新捐實收

寄交代捐歸墊祈卽電飭遵辦爲禱

寄錫清帥 正月初四日

東三省疫病蔓延用款浩大同深焦急查敝處奏請兩部挪墊及銀行息借款項早經分撥江皖災區散放昨又奉 旨兼籌豫振新捐甫經開辦無款可挪而三省逼近京畿更難膜視可否由尊處奏明先向各銀行認息借用日後或就地籌還或歸併江皖新捐展期推廣勸辦以爲歸款之計應請卓裁

又 正月初六日

外國防疫重在留驗本不遽斷交通現在我車一律飭



停係北洋奏准無如東清南滿仍未停駛秦王島輪船  
往來更多各國亦催開車承接西伯里亞來客頃已由  
部電請公與筱帥分籌留驗務請多派幹員分頭照料  
以期妥帖

寄陳筱帥

正月十二日

聞天津漸有傳染傷人實數請查示畿甸密邇似應先  
事防範有人商擬在津新舊兩站派醫查驗如係有疫  
之人卽不准登車以昭慎重保定已先照此辦法希酌  
復

上海唐蔚芝侍郎來電

正月十四日

本校對面屋地通和公司開單需銀四萬零六百兩磋商至少需四萬兩計本年建築至少又需一萬兩可否請部撥特別款三萬兩再由本校借款二萬兩庶此事可成如蒙鼎力允撥卽具正式函達部乞電示

寄張安帥 正月二十六日

張道士珩來電去年劉承幹捐助海州工振實銀一萬八千兩尊處因其未交大清銀行不能奏獎現擬再捐皖振實銀一萬二千兩請賞卿銜災重款急擬卽照辦請查海州工振一款如能歸入尊處彙案奏銷候示方

能敘奏乞速電復

唐蔚芝侍郎來電

二月初六日

本年預算校屋連辦彝器活支銀四萬兩係備修理校內房屋及小批建築之用近年來添班添教員每月常費一萬兩實不敷用全賴活支款項以資撥補今年又係遇閏所有購買對面屋地可否特別追加若就預算四萬兩內開支則本年用款斷難敷用有無妥善辦法乞示遵行

寄福州松鶴帥

二月初八日

閩閩省鑄幣廠尙存銅元二十萬千現今江皖放振亟

需銅元應用請卽查明此項銅元實存若干每萬千需  
合成本銀若干閩市台平番銀每兩易銅元若干乞速  
電示以便備文派員解銀領運本年開辦幣制新銅元  
卽可開鑄舊銅元必格外落價一舉兩得諒荷應允

李仲仙制軍來電

二月初九日

接皖紳急電鳳屬草根樹皮均盡至人相食羅教  
士報告渦蒙懷毫等州縣每屬每日約餓斃四五  
百人似此大災晉豫以後所未有滇窮如洗除義  
自捐萬元外僅募義振四萬餘元滙張道士珩轉  
解交災區已屢集好義員紳分電切勸間有可報

効五干以上鉅款者意在急救垂斃饑民擬由義  
先將款電滙張道商解馮大臣擇災區最重者迅  
撥救急一面將報效銀款暨銜名電咨尊處先行  
立案隨即造送履歷以憑彙案奏獎實官是否可  
行乞速賜電示

錫清弼制軍來電

二月初九日

東省疫重地廣用款浩繁前蒙尊處允歸入江皖  
捐振案內展期勸辦東三省振捐當於正月初七  
日奏交部議在案嗣因日久未奉部復此間需款  
彌殷又恐歸入江皖案內籌辦有如尊處前示緩

不濟急情形因於正月二十六日復奏請援照江  
皖振捐章程由東三省自行辦振良亦處此萬分  
焦灼之中急莫能待我公明達亮能鑒此苦衷現  
准部咨前奏歸入江皖振捐局內辦振近已議准  
行知又准咨開續請自行辦振一摺應仍照前奏  
辦理我公痼癥在抱畛域無分敝處息借鉅資急  
待彌補應請分別勸辦發寄實收章程由敝處派  
員分途勸辦以期源源接濟敬乞復示

寄錫清帥

二月十一日

東三省防疫借款歸併江皖新捐展期收償經部議准

敝處自應不分畛域統籌分濟前已照會齊使司及周  
道克昌分投捐辦實收已發百張容卽續寄惟馮大臣  
來電江北皖北餓斃無算購糧發錢緊急萬分故振款  
較歸還借墊各項尤爲緊急現收捐項不得不先儘江  
皖豫三省振需一俟振務稍鬆捐有成數再分緩急酌  
撥務乞諒鑒

寄李仲仙制軍

二月十一日

皖北江北已墊一百萬兩現又墊二十萬購運高粱馮  
大臣密函餓斃甚多皆因以前本省視此重災連帑項  
祇撥款十萬若非張楚寶義振公與行南大聲疾呼必

致子無遺類弟尙恐夢老獨力難支故又奏派熟手劉鍾琳爲總查電告絡繹其慘萬狀甚至言一誤豈堪再誤弟已電馮劉切囑嚴查寬放然勸捐以來特准各省停捐實官報効所收僅得二十萬一爲改官制一爲市面緊一爲不減成二月初十以後報効擬收實銀七成但必須解至敝處轉發方可設法奏銷弟處由大清交通電滙馮大臣一日可到並不遲延否則只能照振捐核獎現在報効實官只須照例銀有盈無絀職名電到如有鉅款四五品京堂及卿銜亦可奏請務求設法招勸無量功德



愚齋存稿卷第七十六